



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

9. Quinam auari Ecclesiastica bona inuadant?

urn:nbn:de:hbz:466:1-45699

IX.

Matth. 6. 33.

Matth. 23. 21.

Iob. 34. 37.

Video, quām periculosa res sit, hīc epimythion addere. Ni-
mis magnus est numerus humana diuinis, terram cælo anteferen-
tium, & non iam, *primum regnum celorum quarentium*, sed *rationi
Status*, ut vocant, omnia subijcentium. Apud quos, *virtus post au-
rum*, Ecclesia post marsupium sequitur; apud illos religio Rei-
publicæ, & quæ Dei sunt, Cæsar, non quæ Cæsar, Deo debent
seruire. Nimirum atheorum hæc sunt principia, & eorum fun-
damenta, qui omnia pecuniæ caussa faciunt, & existimant, re-
ligionem, ad terrores duntaxat populi, esse excogitatam. Cùm
ergo religionem & res Ecclesiæ nihil faciant, magisque tempora-
lia bona ament, quām æterna; facile res Deo dicatas suis utilita-
tibus accommodant, atq; honestatē omnē postponunt commodi-
tati. Nemo ex his est, qui non addit super peccata sua blasphemiam, vt
in Iobo dicitur, & prætextum inuenit, quasi Ecclesiastica libertas
commodis sacerularium, & non potius hæc seruire debeat Eccle-
siasticæ libertati. Contra hanc utilitatem tam noxiā quisquis,
vel in curia consultit, vel in concione differit, vel in libris scribit,
dicitur seditionem excitare. Usque adeò impietas inualuit, vt
etiam publica illius patrocinia suscipiantur, & poenam timere de-
beat, qui eam impugnat. Sed nondum eò progressi sunt Princi-
pes Catholici, quibus mens est generosa, & Deus charior, quām
nummus, vt pecuniam conscientiæ posthabent. Illis ergo exem-
plum Henrici regis fidentissimè potest inculcari, qui tota ad se-
crabunt Christi patrimonia; qui nullum inter sacra & profana fa-
ciunt discrimen; immo à Dei seruis, plura exigunt, quām à sacer-
ularibus; eosque sinunt famere, cùm ipsi quotidie ad vomitum us-
que epulentur; nec antè desistunt, quām eos migrare ac solum ver-
tere compellant. His, inquam, exemplum regis Henrici sèpius
est recensendum, vt intelligent, non modò viam ad pecunias non
esse, per spolia Ecclesiaturum; verū etiam opes certius non amitt-
i, quām si de patrimonio Christi, per varias artes ac prætextus, ac-
cuncluentur. Nos Deo, non Deum nobis seruire oportet. Qua-
re neque, vt nostræ fortunæ & thesauri augeantur, minuenda
sunt, quæ maiores ad animæ suæ emolumētum, Deo dona-
runt. Illi dando Ecclesijs semper locupletiores effecti sunt, hic
modus est perueniendi ad diuinitas. Qui autem Ecclesijs, qui mo-
nasteria,

masteria, qui ædes sacras spoliauerunt; neque spolia retinuerunt,
& insuper etiam, quæ ante habebant, perdidérunt. Quia, vt in
proverbiis est, Peccatores persequitur malum; & iustis retribuentur Prou. 13. 25.
bona. Bonus relinqnit heredes filios, & nepotes: & custoditur iusto sub-
stantia peccatoris.

Atque vt ad nostros mores veterum exempla comparemus,
nonne quod olim statum Imperij, in occidente, per barbaros e-
uertit, id ipsum quoque nostra ætate fieri audimus, videmus, ex-
perimur? Non igitur mirandum est, si poenas similes infligi videa-
mus, vbi paria sunt delicta. Vbi peccata peccatis æquantur, de-
bent etiam clades cladibus æquiparari. Quid enim iustus iudex &
mundi Rektor agat, si summam in tribunis & centurionibus vide-
at cupiditatem, quam meritò summam esse ostendit summa cru-
delitas? Quemadmodum enim militum avaritiam prodit rapaci-
tas, quæ sine misericordia obuios quoque in via spoliat, domi ex-
pilat; ita & milites militum prætores, fame emori sinunt, si vel
commeatum, vel stipendia negant, & eos tamen excubare, vigi-
lare, vitam & sanguinem exponere cogunt. An Deus impunè sinat
ire tot nomina exactionum, contributionum, & familiarum, &
familiarium? morionum, ludionum, lenonum, & meretricum?
tot stabula equorum, asinorum, canum? vt ad venandum, non
bellandum exisse putes. Abominatur hæc Dominus, & omnes
participes, omnes consciens iustissimè finit diuitijs excidere, quæ
rarò transeunt ad tertium hæredem. Quid quod multi nobiles,
multi præfecti, multi in alijs officijs pohti duri sunt & contume-
losi in suos subditos, quos tondere, quam regere malunt. Hinc
& illos hostis omnibus fortunis exuit, non rarò etiam vitâ. Quin
& Deus plures ex improviso aufert. Hinc cùm maximè opes in-
tuto putant, cùm dicunt animæ suæ: *Anima habes multa bona posita* Lue. 12. 12.
in annos plurimos: requiesce, comedere, bibe, epulare, tolluntur, ra-
pinis suis non fruuntur, & ad supplicia luenda rapiuntur. Quid
quod neque ciues, neque opifices, neque coloni semper opibus
suis digni sunt, quas per artes malas, per fraudes, per mendacia,
per furta, acquisuerunt? Nonne iustus est Deus, si male parta
male perdat? si hostibus suis hostes immittat? si ignes accendat
& incendia suscitet? si aquas congreget & diluuija explicet? si
procellas

X.